

皇  
明  
詔  
制

皇明詔制卷三

奉

天承運

皇帝詔曰洪惟

天眷國家茂隆景運肇自

太祖高皇帝聖神文武提一旅之衆建萬世之業

太宗文皇帝神功聖德載安

宗社弘靖萬邦

皇考大行皇帝紹承大統奉天子民體

祖宗之至仁用輯寧於庶類自臨寶位夙夜勤勞市  
及踰年德澤覃霈不幸違豫奄臻大漸顧命神  
器付予眇躬哀慟方殷罔知攸措親王文武羣  
臣下至耆老軍民蕃夷朝使萬衆一誠累表勸  
進辭拒不獲仰惟

列聖創守之難俯徇輿情已於六月十二日祇告  
天地

宗廟

社稷卽皇帝位爲政所重以德及人其改明年爲宜

德元年大赦天下咸與維新所有合行事宜條示于後

一自洪熙元年六月十二日昧爽以前至去年八月十五日以後官吏軍民人等有犯除謀反大逆謀叛子孫謀殺及毆罵祖父母父母妻妾殺夫奴婢殺主謀故殺人蠱毒魘魅毒藥殺人強盜不赦外其餘已發覺未發覺已結正未結正罪無大小咸赦除之敢有以故前事相告言者以其罪罪

之

一自去年八月十五日以後軍官及旗軍將軍力士校尉舍人餘丁除犯謀叛黨惡不赦外其餘有犯發各處立功贖罪及降黜充軍等項者並送兵部查理復其職役

一自去年八月十五日以後文官除犯貪賊及枉害人民者已發露不宥外其餘有犯發充吏役及承差者悉送吏部量能授官

一自去年八月十五日以後見任文職官員

有停罷俸祿者詔書到日仍舊關支

一言路所以廣視聽達民隱自今朝廷政務  
或有不便及軍民利病或當興除者許諸  
人陳言勿有所諱

一農桑王政之本衣食之源有司宜深爲之  
勸務求實効勿事虛文

一民安之道必在守令得人今軍民中有行  
已廉正才堪撫字者許見任官具實薦舉  
朕將親擇而用之不許徇私濫舉

一學校賢才之所自出必在師範得人今軍民中有經明行修可充教官者許見任官保舉而試用之有司宜常加勸勉其生員之家遵依洪武年間恩例仍優免兩丁差徭俾得盡心務學以臻成効

一各處衛所及守邊去處務要城堡堅固兵備嚴整如法操練

一天下軍士累年勞役衣食不足艱難可矜卽今一切不急之務悉皆停罷其管軍官

員宜加意撫恤毋令失所並不許假公營私妄有科歛及私役其力違者罪之

一有被水旱災傷去處缺食貧民有司卽便取勘賑濟毋得坐視民患

一官民田地舊佃種人戶或全家死亡或丁力消耗以致拋荒有司卽與召人耕種官田准民田例起科如果無人耕種者各該納稅糧從實取勘開除毋得洒派拋荒重爲民患



一各處開辦金銀抄造紙劄坐辦靛青除已劄辦造完見收在官者差人送部外其餘悉皆停罷以甦民力原差官員人等速卽回還如有托故稽延者以違制論

一遞年海運漂失及征進拋棄軍器等件并永樂二十一年以前各處拋欠歲辦皮翎歲進野味追補胖襖等項悉皆免追其追陪修理永樂二十一年以前試驗不堪弓箭弦條如已完者就於所在官司入庫如

未完者悉皆停罷

一各處孳生馬騾牛羊等畜及北京所屬衛所見養永樂二十年征進所獲牛羊自洪熙元年六月十二日以前倒死者悉免追陪其征進所獲牛羊今後只令軍衛有司自行提督牧養原差去管養官員人等卽便回京毋致重擾軍民

一忠臣烈士義夫節婦孝子順孫事跡顯著者有司具實來聞以憑旌表

一鰥寡孤獨及篤廢殘疾者有司依例存恤  
母令失所及有爲事編發爲民種田年七  
十之上孤寡無人養贍者放回原籍依親  
一軍戶有重役者不分三處五處遇有事故  
如果戶內人丁消耗只併一處勾丁補役  
其餘悉皆開豁其有丁斷戶絕同名同姓  
被人妄報連年勾擾有司從實體勘分理  
不許徇私作弊害及無辜

一見起在京做工人匠有二丁三丁者放回

一丁四丁五丁者放回二丁六丁以上者  
放回三丁其單丁應役二者之上者放回  
休息內有犯罪被刑剗刺已成殘疾者卽  
與開豁本身差徭全其餘生其有無知小  
人挾讐妄指平民爲匠者今後有司宜嚴  
加禁止違者罪之

遞年失班及在逃人匠與免本罪卽來赴  
工依舊輪班如有仍在恃頑不卽赴工者  
所在官司拿解前年治之以罪

一永樂年間爲事發各處擺站及充遞運所  
水夫有年限已滿應替當過三年以上未  
替者卽便放免其餘役滿未及三年者法  
司卽於囚人內撥替若遞年在逃及未赴  
役者俱免本罪卽赴原發處所應役照例  
撥替如有仍前恃頑不卽赴役者許所在  
官司拿解治之以罪

一逃軍逃囚逃匠等項詔書到日爲始許一  
月內赴官自首與免本罪軍還原伍民還

原籍匠作人等復還本役

一軍民官有貪虐害民者許被害之人赴合于上司及按察司巡按監察御史處陳告不許軍民人等擅自鄉縛違者罪之

一今後一應罪犯悉依大明律內科斷法司不許深刻妄引榜文及諸條例比擬

一凡寬恤恩典及合行政務其有開列未盡者悉遵去年八月十五日以後詔旨施行務惇明信祗守不渝

於戲

三聖在天制治保邦大經大法明照日月垂憲萬年  
惟篤欽承必誠必信尚賴宗室親王叔祖叔父  
協心藩屏鞏固國家暨中外文武賢臣同德匡  
輔用臻至理弘建

宗社生民悠久之福詔告天下咸使聞知

洪熙元年六月十五日

奉

天承運

皇帝詔曰朕惟聖神之道不可以名言功德之隆必  
形諸贊述是以皇有義農之號帝有堯舜之稱  
國之典常古今一揆恭惟

皇考大行皇帝稟睿聖之資備明誠之德正位儲宮  
二十餘年至孝通于神明令聞孚于遠邇嗣登  
大寶寅奉鴻圖體天之心弘敷惠澤普昭蘇於  
萬彙煥寰宇之一新致理興化惇尚文雅慎修

皇明詔赦

三八 洪熙元年

八



武事四境無虞天下歸仁安于熙俾不幸踰歲  
奄棄大寶四海兆民如喪厥考嗟予罔極之慟  
屬茲繼統之初諒陰敬承之心敢後追崇之典  
謹命在廷文武羣臣稽古禮文議薦諡號至公  
之道衆論攸同乃於七月初二日祇告

天地

宗廟

社稷奉冊寶恭上

皇考大行皇帝尊諡

敬天體道純誠至德弘文欽武章聖達孝昭皇帝廟  
號

仁宗嗚呼配天惟德尊親惟孝光華宣著於萬年繼  
述尚存於後世布告中外咸使聞知

洪熙元年七月初三日

奉

天承運

皇帝詔曰仁政之務親親爲先禮典所崇尊尊爲大  
朕續承鴻業若臨兆庶肆用惇于孝理爰肇正  
於化原恭惟

聖母輔翼

先朝昭明內政弘六宮之壺範表四海之母儀深仁  
厚德施及眇躬隆鞠育之恩廣訓迪之道劬勞  
備至以底成立茲方奉天下之至養則必極天

下之尊稱謹上尊號曰

皇太后乃若

宗廟之祀禮重相成德化之行始於夫婦用稽國典  
冊妃胡氏爲皇后夫國之本在家尤屬彝倫之  
重上以厚率下庶臻至理之隆布告中外咸使  
聞知

洪熙元年七月十五日

奉

天承運

皇帝詔曰我

祖宗開創洪業封建親藩所以鞏固國家永安

宗社朕以天敘嗣承大統惇厚親親至於漢王高煦  
事以叔父未嘗違禮天地神明所共臨鑒而彼  
包蓄禍心積有年歲昔我

皇祖太宗皇帝覺其潛懷異圖削兩護衛徙置樂安

州

皇考仁宗皇帝友愛之誠比隆虞舜而乃忘背大恩以德爲怨今者無故招聚無賴授以兵器驅掠良民朶克軍士搶奪官民馬疋擅放有司監繫強盜縱其爲惡給與賞賜暗結都司官及軍衛有司官吏生員人等賞與金銀等物除指揮王斌知州朱恒等爲太師都督尚書等官其餘各授一職散刀與真定等衛軍官爲號潛結北京官員軍民俾爲內應其他奸謀不可枚舉遂致北京官員軍民山東三司衛府州縣等衙門官

吏人等及其護衛親信軍校并被害軍民五百  
餘人奏發其事朕以至親初未之信及差百戶  
陳剛賫本至京誣罔

先帝爰及朕躬假此弄兵聲言犯闕及究多人之言  
具有成迹實欲妄覬天位謀危社稷流毒生靈  
春秋之法人臣無將將則必誅其不軌如此罪  
奚可容朕以

祖宗付托之重國家生民之計不得已親率六師往  
問其罪兵臨其境尚擁烏合之衆敢行拒抗賴

天地眷祐

宗社之靈罪人斯得朕以親親之故不忍棄絕令同  
官眷居於北京以全始終之恩其餘同惡者明  
正典刑協從者咸釋不問今已班師於戲管叔  
流言成周致辟淮南作孽自闕其躬大義不私  
於所親至仁尚從於寬典詔告中外咸使聞知

宣德元年八月二十二日



奉

天承運

皇帝詔曰恭天撫民固無華夷遠邇之間除殘去暴  
本於帝王仁義之心故拔稂莠所以育苗而斬  
蛇虺爲其傷物惡惡明聖所同朕嗣

祖宗之洪圖主萬邦之兆庶志存康濟夙夜惟勤比  
以殘胡嘗爲邊患爰於農隙躬歷疆陲飭勵將  
士嚴固防守九月初二日駐師石門遽得邊報  
胡寇數萬南侵豕突獸奔已迫近境朕躬率鐵

騎三千馳赴之將士比力協心咸奮一當百斬  
馘虜首萬餘級擒其酋長百餘人徑其巢穴盡  
獲其人口兵器馬疋牛羊輜重不可勝計腥羶  
蕩滌邊境肅清遂班師振旅於戲稔惡弗戢醜  
虜何遑於天誅武威載揚嘉兵豈予之所志庶  
幾攘夷之績用副保民之心詔告中外咸使聞  
知

宣德二年九月十五日

奉

天承運

皇帝詔曰朕以菲德祇膺鴻圖惟

祖宗創業之艱難惟今日守成之匪易致勤夙夜罔  
敢怠寧億兆之繁殫心於和輯

宗社之重永念於繼承善慶有源祥應茲協陽德初  
復長子肇生家邦之本攸隆中外之心咸屬宜  
施惠澤覃被多方今大赦天下所有合行事宜  
條示于後

皇明詔赦三

宣德二年

十四

一各處稅糧鹽糧除宣德二年以前未完者  
依例徵納其宣德三年稅糧鹽糧以十分  
爲率蠲免三分

一自宣德二年十一月十五日以前遞年拖欠諸色課程鹽課茶課各處追陪孥收虧欠倒死馬騾驢牛羊等畜官軍騎操領養馬騾驢牛羊隻倒死者及遞年拖欠蘆柴納欠銅鐵顏料膠漆竹木等物追陪未完段疋等項盡行蠲免

一自洪熙元年六月十二日以後宣德二年十一月十五日以前官軍及旗軍將軍力士校尉舍人餘丁除犯反叛黨惡不宥外其餘有犯發各處立功哨嘹及充軍等項者並送兵部查理復其職役官調衛所

一自洪熙元年六月十二日以後宣德二年十一月十五日以前文官有犯發充吏役承差者悉送吏部量才授職但犯賊罪者不在此例

一自宣德二年十一月十五日以前見任文武官員總小旗有因事停罷俸糧者詔書到日如舊開支

一自宣德二年十一月十五日詠來以前官吏軍民人等有犯除謀反大逆謀叛子孫謀殺及毆罵祖父母父母妻妾殺夫奴婢殺主謀故殺人蠱毒魘魅毒藥殺人強盜人命妖言不赦外其餘已發覺未發覺已結正未結正罪無大小咸赦除之敢有以

赦前事相告言者以其罪罪之

一各處犯人名下自宣德二年十一月十五日以前見追未完侵盜糧草及一應贓物詔書到日悉皆免追

一各處逃軍逃囚逃匠人等自詔書到日爲始限兩箇月以裏赴官首告與免本罪軍還原伍民還原籍匠復本業

一各處人戶自宣德二年十一月十五日以前在逃者詔書到日爲始限三箇月之內

赴所在官司首告與免本罪各回復業戶  
下遞年所欠錢糧等項盡行蠲免仍免差  
役一年有司官吏糧里老人善加撫恤不  
許指以取索錢債爲由因而生事擾害違  
者罪之

一軍民中有鰥寡孤獨者所司依例存恤毋  
令失所

一軍民中有男婦年八十以上者詔書到日  
所司仍給絹一疋綿布一疋綿一斤酒一



斗肉十斤米一石

一文武官有虐害軍民者許被害之人一依大明律自下而上陳告如有所司不理許赴按察司巡按御史處告理如又寬抑方許指實赴京伸訴不許擅自綁縛違者罪之

於戲承序以長用昭萬世之傳推德及人弘敷四海之福故茲詔諭咸使聞知

宣德二年十一月十五日

奉

天承運

皇帝詔曰朕承天序祇奉寶圖惟

祖宗積慶之隆衍本支於至盛惟帝王統理之道建  
儲嗣以爲先長子祈鎮日表英明天資端重比  
者親王文武羣臣合誠奉表請立東宮于再于  
三言之切至朕恭承

皇太后聖訓國家大經宜循衆議今以冊寶立祈鎮  
爲皇太子夫重建元良所以垂萬年之統豫定

皇明詔制

三

宣德三年

國本所以係天下之心詔告臣民咸使知

宣德三年二月初六日

皇帝敕諭文武羣臣比者廣東進二白鳥卿等上表  
稱賀以爲朕之孝誠感茲瑞應夫祇敬

祖宗供養

聖母皆職分當然何足爲德感瑞之言良增懷愧朕  
德涼薄上念

祖宗付托之大下念生民屬望之衆夙夜兢兢弗勝  
負荷爾文武羣臣同心同德贊輔不逮庶幾平  
治之世今靈物之臻實荷

天地鑒格

宗廟垂慶之所致也然古之君臣因祥瑞致倣卿等  
尚益殫乃心相與輯寧庶兆永安邦家用答

天地

祖宗之眷祐用享太平無窮之福欽哉故論

宣德四年七月十二日

皇帝敕諭五府六部等衙門

朕賴

天地

祖宗眷佑文武之臣盡心乃職以致四海清寧軍民  
樂業今將閱武郊外爾諸將整搦軍馬扈從六  
部等衙門各令堂上官一員帶屬官一員隨侍  
前去特命豐城侯李賢都督蔣黑兒掌戶部事  
太子太師郭資兵部尚書張本都察院右都御  
史顧佐居守北京凡一應大小之事須用措置

得宜纖毫不可怠忽遇有緊急機密重務同心  
計議停當隨即施行仍差人星馳具奏不許稽  
緩如遇外夷使臣來朝須同太監楊瑛等計議  
館待亦星馳奏報爾等務要晝夜盡心十分詳  
慎以副朕委重之重故諭

宣德四年十月十九日



皇帝敕諭六部都察院

朕恭膺

天命嗣承

祖宗洪業夙夜孜孜保民圖治每食則思下人之饑  
衣則思下人之寒心存民瘼未嘗忘之今春氣  
已和特頒寬恤之令條示于后其速行之爾六  
卿大臣與國同體爲國爲民務盡乃心如政令  
有所未當朕慮有所未周者尚審思列奏都御  
史任耳目之寄亦宜博訪以聞庶副朕恤民之

意欽哉故論

一宜德四年各處有經水旱蝗蝻去處速行  
巡按御史按察司委官從實體勘災傷田  
土明白具奏開豁稅糧坐視不理者罪之  
一宜德三年以前官員軍民有倒死官馬騾  
驢當追陪者及軍民有虧欠孳生馬疋者  
悉免追陪

一宜德三年以前軍民有拖欠柴炭草束者  
盡行蠲免

二各處百姓近因饑窘逃徙他處者速行各布政司按察司及府州縣招諭復業仍善加撫綏免其戶下稅糧及雜泛役一年

一除造軍器及軍需買辦外其餘爲營造等事各處買辦顏料生漆等物工部速行各處有司其已辦在官者差人運赴京庫交收未辦者盡行停止其差去買辦採辦等項官員人等悉令回京不許留滯擾民

一朝廷所用之物各有土產之處今後凡遇

買辦只於土產之處收買如收買數多量  
免其他差役以優恤之不許一槩分派於  
不出產處收買科擾害民違者罪之

一各處官田舊額起科不一租稅既重農民  
不勝自今年爲始每田一畝舊額納糧自  
一斗至四斗者各減十分之二自四斗一  
升至一石以上者各加減十分之三永爲  
定例

一近年在京做工匠人多有逃者蓋因管工

官及作頭人等不能撫恤又私縱其強壯者不令赴工但辦納月錢入已并冒開其糧餉却令貧難者常川做工又逼索其財物受害不已安得不逃近差人勾取差去官員人等又苦害之逼取財物工匠受害弊非一端自今工匠一戶有二丁者令一丁赴工一丁放免四丁者二丁做工二丁放免俱准此例單丁者與別戶朋合聽其一年或二年相輪代替違者依失班例論

罪如遇大營造暫借撮工者計其用工月  
日准後班次用工之處常差監察御史給  
事中點閘考其工程有仍前作弊者就行  
糾奏究治庶革宿弊不得均其勞役上不  
虛費糧賞

一工匠有年老殘疾戶內無丁力者保勘明  
白卽與開豁匠役

一近年逃匠往往有懷挾私讐妄指平民爲  
匠者所司不與分豁民之受害者多有未

分謫者工部及法司卽與分謫仍嚴行禁止再有犯者重罪不恕

一各處衛所有司倉廩官攢斗級交通納戶  
私下包納虛出實收作弊百端今後令監  
察御史按察司巡視但有作弊就便拿問  
一理刑之官推公與明使有罪者不得以苟  
免無罪者不陷於冤抑庶其稱職比聞法  
司不體朕恤刑之心任情用法往往過當  
夫嚴刑之下何獄不成若有罪而縱之將

皇明詔諭三十八  
凶人益肆無罪而枉之將善人何恃且賊  
汚士之極醜無斯行而加斯名卽玷棄於  
終身豈當不念自今其深以爲戒必明必  
公必詳必謹庶副朕欽恤之意

宣德五年二月二十二日



皇帝敕論文武羣臣禮部言山西所進龍馬駒以爲  
瑞應將與羣臣同上表賀朕自承大統孜孜夙  
夜期與華夷同臻康泰幸數年以來家國平寧  
歲累有收百姓粗安邊圉靖肅此皆

天地

祖宗之佑羣臣贊輔之力方切敬慎惟懷永圖夫年  
穀屢登生民給足仁賢効職四夷順服禮義生  
於閭閻武備修而不用此有國之瑞也朕與卿  
等共祇勉之一獸之異未足爲瑞其止勿賀故

諭

宣德七年五月十七日

皇帝敕論文武羣臣今陝西進嘉禾蓋豐稔之祥又  
中外之地連產瑞瓜此皆

天地

祖宗之所垂佑朕何克以致之而卿等歸德朕躬欲  
進表賀內自修省歉焉於心其止勿賀朕夙夜  
孜孜圖惟生民之安以冀不忝

天地

祖宗之付畀卿等皆當體朕之心勉盡厥職上以益  
君之德下以厚民之生戒乃玩愒務圖實功庶

皇明詔諭

宣德十年

副朕之委任欽哉故諭

宣德七年八月十五日

皇帝敕諭五府六部都察院等衙門

朕以非德恭承

天命嗣

祖宗之大統夙夜惓惓思付託之重夫君國之道保  
民爲要當春時和萬物發生顧念兵民有未得  
所祇體造化之仁爰敷懷保之政庶幾下人蒙  
福而有以仰答天與

祖宗之心凡爾羣臣宜同朕志合行庶務勉務欽承  
故諭

一近年百姓稅糧遞運艱難官田糧重艱難尤甚自宣德七年爲始但係官田塘地稅糧不分古額近額悉照宣德五年二月二十日敕諭恩例減免該管官司不許故違一各處有軍民人等遞年逃聚山林者本皆朝廷赤子其源蓋因所司不能存恤肆行貪暴以害之致其不得已爲偷生之計卽喪其家業栖栖窮苦無所依歸甚可憐憫今悉宥其罪卽行所在府州縣官用心招

撫令歸復業其不願歸本鄉者聽於所在  
官司附籍爲民給與荒閒田地爲業免差  
三年有司厚加撫恤以副朝廷憐憫窮民  
之意有司官吏里老敢有違者巡按監察  
御史按察司官體訪拿問

一各處逃移人戶自宣德六年四月以後回  
還復業者其中係工匠站竈等役有司毋  
得輒便勾擾自復業日爲始免其差役一  
年之後生計已成方令赴役

一各稅糧先因商賈阻滯鈔法加倍罰納今鈔法頗通除正額外倍罰之類以十分爲率減其三分塌扇減五分南北二京不在此例俟鈔法流通再行定奪

一湖廣江西浙江商稅魚課辦納銀兩者自宣德七年爲始皆折收鈔貫每銀一兩納鈔一百貫

一軍民有拖欠宣德五年以前桑穰柴炭蘆葦者悉皆蠲免



一在京在外軍官旗軍有爲事停止俸糧者自今年三月爲始仍舊支給

一在京在外衛所軍士有陣亡傷故失陷及溺水等項在營有父母妻單身別無依倚者所在官司每月給米三斗養贍終身若原籍有丁勾取至營者住支

一宣德五年以前官軍總小旗有爲事罷職役發總兵官處立功者悉復職役仍於立功之處聽總兵官調用原係都指揮以上

兵部查勘具奏定奪原係真犯死罪發充  
軍者不在此例其宣德五年以前軍官旗  
校軍人犯罪見納米做工運磚未完者悉  
皆宥之令復職役

一自宣德五年以前軍民有拖欠種馬當陪  
償而未賠償者如係秋收冬收去處許令  
納米賠償每馬一匹納米十石就於所在  
官倉交納不係豐熟去處聽於今年秋收  
後納米賠償

一沿邊軍士職專備禦近年多有投托總兵  
官作家人及被役使種田生理等項有一  
員占用數人者兵部卽出榜禁約巡按御  
史按察司官時常詢察違者具實奏聞  
一在外文武衙門大小官員有貪虐無耻蠹  
政壞法以致軍民受害者巡按監察御史  
按察司官從公考察具實來聞以憑黜罰  
果有廉幹循良能爲軍民興利除害者具  
名來聞以憑賞勞若徇私糾察不公者罪

之

一布政司按察司官及知府知州得其人則民安非其人則民受害該部往往循資陞授不免賢否混淆自今布政司按察司官及知府知州有缺吏部行移在京三品以上官保舉及布政司按察司堂上官連名保舉必取廉公端厚識達大體能爲國爲民者吏部審其所保果當具名奏聞量授以職後犯贓罪併罰舉者凡所保授官員

或有人指告其罪法司取問于証明白然後具奏提問今後各縣知縣吏部亦須選用得人不許一槩濫授

一各處有文學才行卓然出衆之士自二十五歲以上令其所在有司保舉送赴京師選用

一軍民之中有智謀才勇精於武略者令中外文武臣僚舉保赴京選用

一唐虞之世罰弗及嗣自洪熙元年五月以

前犯罪典刑者已屢經赦宥其子弟今果有才行文學者聽保舉選用惟犯謀反大逆典刑者其子弟不係選用之例

一學校所以勸賢才爲國之用學官嚴加訓誨有司宜勤勸勵風憲官時常考察務臻成效

一天下祝典祝壇常須潔淨或有損壞所司隨卽修理庶幾神用妥安人用獲福

宣德七年 月 日

奉

天承運

皇帝詔曰朕以菲德恭嗣天位統御兆民夙夜惓惓  
圖惟安利今畿內及河南山東山西並奏自春  
及夏雨澤不降人民饑窘朕甚惻焉夫上天降  
災厥有攸自其政事之有闕歟刑罰之失中歟  
徵歛之頻繁歟撫字之不得人歟永念其故內  
疚于心思惟感通之道必廣寬恤之仁庶天鑒  
之旋災爲福所有合行事宜逐一條例故茲詔

皇明詔赦

三

宣德八年

三

示咸使聞知

一南北直隸府州縣并河南山東山西三布政司凡災傷去處人戶自宣德七年十二月以前拖欠夏秋稅糧戶口鹽糧及官軍屯種子粒悉皆停徵其拖欠各色課程鹽糧並各衙門見坐派買辦採辦諸色物料等項及虧欠孳牧馬驢牛羊牲口悉皆蠲免仍免其今年夏稅軍民乏者所在官司驗口給糧賑濟如官無見糧勸率有糧大



戶借貸接濟待豐熟抵斗酬還

一被災之家優免一應差役一年官吏里老  
用心撫恤母令失所

一戶部禮部工部等衙門遞年坐派各處買  
辦採辦諸色物料顏料藥味香料金銀箔  
油漆等項及茶臘桑穰糖蜜牲口乾魚一  
應厨料并造辦菓品等項但係宣德六年  
十二月以前拖欠未完者悉皆蠲免

一各處追納加倍商稅課鈔除納完外但係

宣德五年十二月以前拖欠者悉皆蠲免  
宣德六年至宣德七年終拖欠者減半

一各處都司衛所并各太僕寺苑馬寺該追  
倒死虧欠騎操孳牧馬騾牛羊驢疋但係  
宣德七年十二月以前者悉皆蠲免

一後軍都督府及工部坐派軍衛有司採運  
柴炭蘆蓆但係宣德六年十二月以前拖  
欠未完者悉皆蠲免

一戶部遞年坐派軍衛有司採打秋青草束

但係宣德六年十二月以前拖欠并照例折鈔者悉皆蠲免

一工部坐派各處採運木植其見在山場堆垛者令所在官司如法苦蓋毋致損壞見在水次者陸續起運前來

一法司及各處見追犯人金銀段疋米鈔草束竹木等項除正賊不宥外其陪罰及追者俱減一半徵納草束浥爛及失火延燒者悉皆蠲免

一各處抄造及買辦一應紙劄但係宣德四年十二月以前悉皆停徵

一各處遞年拖欠稅糧但係宣德六年十二月以前拖欠未完者悉皆蠲免

一宣德六年十二月以前各處拖欠課程鹽課者悉皆蠲免

一在京在外都指揮指揮千百戶鎮撫旗軍有住支俸糧者詔書到日悉皆如舊開支  
一直隸令巡按監察御史在外令按察司審

察軍民衙門刑獄有冤抑者卽與伸理不  
許因而縱放有罪其見監罪囚除謀叛謀  
殺祖父母父母妻妾殺夫奴婢殺主人命  
蠱毒魘魅毒藥殺人強盜殺人及偷盜官  
糧外其餘罪犯並與寬免一等科斷

一逃軍逃匠詔書到日限兩箇月內許令赴  
所在官司首告與免本罪軍還原伍匠仍  
當匠

一失班人匠俱免罰工令其仍舊輪班後不

爲例

一各布政司按察司府州縣等衙門官各要連名舉保賢良方正一人起送吏部量才擢用

一諸司官吏有貪酷害人及鬪茸者直隸令巡按監察御史在外令按察司審察奏來以憑罷黜其按察司官貪酷害人及鬪茸者從巡按御史審察奏聞

一中外比年冗官過甚虛費廩祿無所裨益

在內令吏部都察院在外令布政司按察司巡按御史及府州正官公同於添設官員數內斟酌其職務繁簡量留在任餘悉送回吏部不許托故在任仍前冗濫

一各處近設撫民官本爲安民自其赴任並無上言民情利病者且聞於民無益有損詔書至日悉令回還吏部如其中有清廉幹濟舊官所不及者許其親臨上司保留在任起送舊官回吏部仍具奏聞

一朝廷差去內外官員人等務要體朕愛民之心謹守禮法不許在外生事需索百端擾害軍民今後敢有違者從巡按御史按察司具實奏聞處以重罪坐視不言者罪同

宣德八年四月十五日



奉

天承運

皇帝詔曰我國家膺天明命統理華夷奄旬萬姓于  
茲七十餘年仰惟

祖宗肇造之功守成之道規模弘遠昭示萬世惟我  
皇考皇帝以至仁大德統承之率循憲章恢弘政化  
方期家國永底雍熙不幸奄茲遐棄肆予眇躬  
祇奉遺命於宣德十年正月初十日卽皇帝位  
付畀攸重兢惕惟慄允惟神天之典惟敬斯承

生民之重惟仁斯保阜成之績惟勤惟儉乃克  
有成顧予涼薄勉懷永圖尚賴親王宗室益修  
藩屏中外文武羣臣宣力効忱以副委任以惠  
我蒼生用臻富庶躋于太和其以明年爲正統  
元年與天下更新一應寬恤事宜條示于後

一自宣德十年正月初十日昧爽以前官吏  
軍民人等有犯除謀反大逆子孫謀殺祖  
父母父母妻妾殺夫奴婢殺主謀故殺人  
蠱毒魘魅毒藥殺人強盜人命不赦外其

餘已發覺未發覺已結正未結正罪無大小咸赦除之敢有以赦前事相告言者以其罪罪之

一自洪熙元年六月十二日以後軍官并旗軍將軍力士校尉舍人餘丁人等除犯反叛黨惡土豪人命不宥外其餘有犯發遣各處充軍立功及哨瞭等項者盡行宥免復還職役

一署都督僉事事都指揮署都指揮僉事事

指揮悉與實授凡在京優給故官兒男仍  
於本衛所關支俸給

一文武官吏旗校軍民匠作人等有爲事問  
完見做工運碍運糧等項及鎖鑰工匠不  
關糧賞常川做工者悉宥其罪官吏復還  
職役犯枉法贓罪者罷歸爲民軍還原伍  
匠仍當匠民放寧家

一文武官員并總小旗有爲事已復職役住  
支俸糧及支半俸者俱照舊關支

一自宣德十年正月初十日以前遞年虧欠  
農桑諸色課程戶口鹽糧鹽鈔及歲造拖  
欠并追陪段疋紗羅紬絹等項倒死馬駝  
驢騾牛羊虧欠孳牧等畜及未納各項賊  
罰冒支官鈔偷盜官糧及中鹽罰納鈔貫  
追陪未完段疋等件盡行蠲免

一內府各監局遞年派辦物料工部等衙門  
修造軍器樂器船隻等件并一應採辦買  
辦生漆銀硃皮張竹木柴炭等項遞年拖

欠屯田子粒及魚油翎毛青礫銅鐵顏料  
桑穰席麻竹木蘆柴歲進野味及買辦追  
陪胖襖袴鞋試驗不中弓箭及絃并漕運  
漂失糧米軍器等件悉皆蠲免如已辦在  
官者野味解京其餘就於所在官司倉庫  
收貯

一天下一應課程及門攤等項俱照洪武年  
閒舊額徵收不許指以鈔法爲由妄自增  
添違者罪之其有湖泊坍塌淤塞等項及

人戶消耗虧欠課程者從實查勘卽與開豁

一各處諸色課程舊折收金銀者今後俱照例收鈔

一各處買辦諸色紵絲紗羅段疋及一應物件并織造段疋抄造紙劄鑄造銅錢燒造窑器煽煉銅鐵採辦梨木板及各處燒造器皿買辦物料顏料等件悉皆停罷其差去内外官員人等卽便回京違者罪之

一各處開辦金銀硃砂銅鐵等課悉皆停罷  
將坑冶封閉其已辦完見收在官者金銀  
硃砂就令差去人員管領來京銅鐵於所  
在官司寄庫差去開辦內外官員人等卽  
便回京不許托故稽留若係洪武年間舊  
額歲辦課銀及差發金不在此例

一各處造作除軍需外其餘盡皆停罷今後  
非奉朝廷明文一毫不許擅自科擾軍民  
違者罪之



一各處打鷹及打捕鳥獸採取蟲魚花草果木山石之類詔書到日悉皆停罷差去內外官員人等即便回京所占用官軍各回原衛所管事着役民回原籍當差不得稽留違者罪之

一各處孳牧馬騾驢牛羊等畜及北京河間保定等處軍民見養征進所獲牛羊詔書到日卽令軍衛有司提督牧養原差去管養內外官員人等即便回京毋得托故在

彼生事重擾軍民

一惜薪司光祿寺等衙門原差派柴炭蘆葦  
荆條等項自宣德八年十二月以前拖欠  
未完者悉皆蠲免宣德九年正月以後悉  
減半送納內官等監局坐派上茜草暖樺  
皮及樺木等件悉皆停罷

一各處宣德九年被水旱去處取勘的實將  
稅糧及屯種子粒盡行蠲免缺食貧民有  
司量給米糧賑濟

一民間應有事故人戶拋荒田土卽從實取  
勘開報除豁稅糧另行召人承佃如係官  
田卽照民田例起科

一各處抄沒官房及沒官牛隻年遠倒塌及  
倒死者所納房鈔及牛租取勘明白卽與  
除豁

一各都司衛所下屯軍士正糧子粒一十二  
石給軍食用不必盤量止徵餘糧六石於  
附近軍衛有司官倉交納

一各處逃移人戶悉宥其罪許所在官司首告回還原籍復業免其差徭一年其本戶虧欠稅糧等項盡行蠲免

一逃軍逃囚逃匠人等詔書到日爲始許兩個月內赴官自首與免本罪軍還原伍民還原籍匠復本業其人匠有因在逃間發充軍當匠者一戶止存一名當匠其餘放免

一各處原編輪班人匠內有一年一班者今

後江北人匠照舊輪班江南人匠俱以二年輪一班其各監局在逃諸色人匠爲無正身有勾戶丁二三名當匠者止令一丁當匠其餘放免但是該發充軍行提未到者悉皆宥之

一在京做工軍夫照例更替候營造山陵畢日悉皆放回

一見起在京做工人匠除選帶家小并把總高手與應用營造山陵人匠及該輪班上

工者存留外其餘盡數放遣仍照舊輪班  
不許指以朋合編班爲由一槩拘留若高  
手人匠及各色人匠果有年高者亦卽令  
放遣其見在做工失班罰工者免其罰工  
止當正班滿日放回違者罪之

一自宣德九年以前各處凡承敕旨及勘合  
起取軍民人匠悉皆停止如已行在途亦  
令回去軍還原衛所民還原籍

一軍官爲事去年冬曾隨大駕出關巡邊例

應調者免調悉令放回原衛所

一各都司衛所自洪武年間至今差去勾軍  
不回官旗人等限兩箇月以裏赴所在官  
司首告悉免本罪令各回原衛所管事着  
役

一遞年有犯罪發去擺站及充遞運所夫膳  
夫軍伴等項役滿者卽便放回違者罪之  
一差去買辦造辦採辦內外官員人等有在  
各處私占官民田地及起蓋房屋隱占軍

民諸色人等作打捕戶養戶等項名色使用者詔書到日官民田地各復其舊房屋入官隱占之人俱復本役違者治以重罪

一宣德十年正月初十日以後官吏人等犯罪充軍者止充本身

一農桑學校有司宜加勸勉務求實效勿事虛文

一軍民中有鰥寡孤獨者所司依例存恤毋令失所民年七十以上及篤廢殘疾者許



令一丁侍養不能自存者官爲賑濟凡軍民八十以上者所司給與絹二疋綿二斤酒一斗肉十斤時加存問其有爲事編發爲民種田年七十以上孤寡無人養贍者放回原籍依親

一各處有孝子順孫義夫節婦開具實跡奏聞以憑旌表

一官員軍民之中有懷材抱德或屈在下僚或隱於山林所司以禮薦舉赴京量才擢

用

一凡軍民利病許諸人直言無隱

一各處軍民有爲追陪孳畜稅糧等項被官司逼迫不得已將男女妻妾典賣與人者詔書到日官司卽爲贖還如男女已成婚配者不在此例

一法司問擬罪囚今後一依大明律科斷不許深文違者罪之

一各處軍民匠役人等有因饑窘及受官司

逼迫不得已逃竄山林或嘯聚爲非者詔  
書到日悉宥其罪令各復業着役免其差  
役二年所司善加優恤不許生事擾害違  
者罪之

一各處邊將及軍衛頭目務要撫恤軍士嚴  
飭武備謹守地方其有功及怠事者具申  
朝廷以憑賞罰

一有司官吏務要公勤廉慎愛恤百姓不許  
阿附勢要輒有科擾親臨考察官員務求

實跡以辯賢否如有徇私枉法顛倒是非者必治以罪

嗚呼自古生民獲福咸由君臣同心同德圖厥成功亦罔不在初尚協嘉猷以隆邦本詔告天下咸使聞知

宣德十年正月初十日

奉

天承運

皇帝詔曰朕惟隆古神聖之君咸有鴻名美諡垂於  
萬世若唐堯虞舜皆所以形容至德逮我

祖宗莫不皆然恭惟

皇考大行皇帝續承天位統理邦家弘覆載之仁溥  
生成之德至誠孚于上下至孝通于神明寬裕  
有容神武不殺華夏蠻貊罔不率俾薄海內外  
熙然泰和不幸上賓奄棄臣庶顧以大寶付于

眇躬懷哀慟之孔深念繼述之彌重允惟典禮  
宜極追崇謹命文武羣臣稽古禮文議薦諡號  
叅之衆論協于大公乃于正月二十五日祇告

天地

宗廟

社稷奉冊寶恭上

皇考大行皇帝尊諡

憲天崇道英明神聖欽文昭武寬仁純孝章皇帝廟

號

宣宗於戲天地之德實廣大而難名日月之明同昭  
宣於有永訖  
宣天下想宜知悉

宣德十年正月二十八日

奉

天承運

皇帝詔曰朕以眇躬嗣登大寶稽古帝王致理之要  
亦惟尊尊親親表正大倫封建宗藩鞏固王室  
厥有彝典萬世攸同仰惟

聖祖母皇太后大德格天錫之全福以濟我國家保  
祐朕躬

聖母皇后協相先朝用固邦本徽音嗣著大典攸崇  
謹上冊寶尊



皇明詔敕

宣德十年

聖祖母皇太后爲太皇太后

聖母皇后爲皇太后復念本支實資藩屏今冊封弟  
祁鈺爲郕王平陽王美圭嗣封晉王保寧王悅  
熒嗣封蜀王其餘郡王應封襲者次第頒封於  
戲崇孝敬以隆天敘之尊敦宗室以重維城之  
寄爰推仁澤咸及庶邦所有合行事宜條告于  
後詔示中外咸使聞知

一各處宣德七年十二月以前拖欠稅糧及  
一應錢糧草束除起運實數并見送在官

者就於所在及起運所至倉分收納其未徵及未納者悉皆蠲免

一各都司衛所官軍今後除哨瞭備禦及屯種操練并有敕旨及明文差調外其餘一軍不許私役一毫不許擅科若有指以差調修理爲由私役種田及採打木石燒造甄瓦等項擅自科差者令巡按御史及所在按察司官巡察具實奏聞悉治以罪

一公侯伯亡歿其子孫例應襲爵者吏部兵

部取勘奏聞卽與承襲不許稽延

一各處總兵鎮守備禦都督都指揮及都司掌印都指揮自宣德元年以來不曾陞用者各具實跡以聞量才擢用

一凡軍職子孫弟姪除應襲外其餘果有精於兵畧武藝者許所在官司舉送兵部試驗擢用

一自洪熙元年至宣德十年正月初十日止軍職有爲事發做爲事官及降除并降克

總小旗者悉復原職其犯反叛者不在此例

一文職官員年未及七十者疾不能任事者皆令冠帶致仕免其雜泛差役

一各處衛所軍士事故該勾補者若丁盡戶絕并山後等處人民挨無名籍等項已經三次保勘無憑勾解者軍衛有司卽與開豁不許假此爲由故意展轉擾害良善違者罪之

一比先有爲事文武官吏軍民旗校人等發  
交趾充軍在逃及散漫不曾首官着役者  
許赴所在官司首告就於附近衛所收操  
一各處有缺食軍民人等不得已相聚爲盜  
強奪人財物及捏造妖言誘惑平人騙要  
財物者詔書至日悉宥其罪軍還原伍民  
還原籍今後若不改悔仍復聚集爲非俱  
照原犯罪之其已拿解在官者不在赦例  
一大同見養羊隻該部取勘見數交付所在

官司暫且收養仍開報光祿寺陸續取用  
原管牧放內外官員軍民人等各回原職  
役

一水旱災傷之處並聽府州縣及巡撫官從  
實奏聞朝廷遣官覆勘處置並不許巧立  
名色以折糧爲由擅自科歛小民金銀段  
疋等物那移作弊侵欺入已違者罪之

一各處山場園林湖池坑冶及花果樹木等  
件原係民業曾經官府採取見有人看守

及禁約者自今聽民採取不許禁約其看守內外官員軍民人等各回原職役

一北京及山西宣府所屬地方產木山場除山陵禁約外其餘去處聽人採取仍依舊例抽分不許妄自增添違者罪之

一各處總兵鎮守官等處自宣德十年正月初十日以前有敕旨採取及造辦買辦一應進用物件悉皆停罷

一今後鷹犬及珍禽異獸等物不許進獻

一自今各處總兵鎮守備禦等官並不許指以進奉爲名擅自打圍飛放蹂踐禾稼擾害軍民違者罪之

一民匠比先爲因在逃編發武功三衛充當軍匠者待營造山陵畢日仍充民匠就於在京居住依例輪班

一各處平民有被人挾讐妄報爲匠及醫士厨役等項名色并妄指同名同姓爲軍者雖見有該部文書坐取有司卽與審勘開



豁不許一槩朦朧妄報違者罪之

一府州縣官有廉謹公正能恤民者親臨上  
司宜以禮待仍具其政蹟來聞以憑陞擢  
一凡詔書內寬恤恩典及合行政務有司當  
一一遵行不可作疑生事刁蹬失信於下  
違者必罪不宥

宣德十年二月初九日

皇帝敕諭公侯伯五府六部都察院等衙門官  
朕恭嗣大統夙夜祇勤惟

天惟

祖宗付托之重不敢怠逸比年以來停罷一切徵歛  
除逋負薄刑罰所冀四方咸遂生息今歲以來  
災沴數見京畿尤甚自三月至五月亢陽不雨  
甚傷農麥五月中至六月連雨不止河決隄防  
渰沒田稼城中傾塌官民廬舍亦有壓溺死者  
深用兢惕洪範咎徵皆由人事蓋朕不德之所

致也其聽納之弗審歟讒佞之弗職歟政事之  
臣有頗僻歟輔弼之臣失其職歟何災特甚乎  
近也循省厥由用圖善道爾等皆與國同體豈  
當默默坐視而弗思弗勉乎自今其體朕心以  
敬

天愛人爲心毋懈夙夜夫持廉戒貪者善身之本致  
公絕私者善政之要勿謂可欺神鑒孔昭勿謂  
無害天應可畏欽哉勗哉務修善政庶幾以回  
天意以固

宗社生民之福爾亦尚有利哉所有合行事宜條示  
于後該載不盡者悉具奏聞故諭

一吏部擢用官員宜精選賢才者任之或罷  
輒無能者或老疾不堪平昔行止不端謹  
者悉皆罷去承差知印吏典人等亦宜精  
詳考察賢否但是貪污及庸懦無能并不  
該行移者悉皆罷去不許循私濫用糜廩  
費祿

一各衙門文職官員洪武年間量事繁簡設

官理辦俱有定額永樂年間爲因營建北京事務繁多所以額外增注自朕卽位以來一切不急之務悉皆停之而冗官或以微事占身坐食俸祿況北京運糧艱難亦宜樽節自今悉照洪武年間諸司職掌官額選其廉能者存留其餘悉送吏部改除如無缺員照依永樂年間事例放回寧家有缺員挨次取用

一朝廷簡任賢良共造民福方面官及府州

縣正官已令大臣及五品以上官保舉從  
吏部審察然後用之保舉者必須考其實  
行審察者必須處以至公敢有徇人投托  
以公廢私以不肖爲賢舉主及吏部官皆  
治以罪自今在京在外官員未及兩考者  
不許舉保違者罪之

一凡實徵一應錢糧雖有定額然各處水旱  
災傷不一當體念民情差人踏勘明白具  
奏開豁不許固執及畏干係展轉行移因

循不決貽患於民

一正統二年十二月終以前拖欠一應錢糧等物已有詔書悉皆蠲免今聞各處官司指以起解報數在官爲由一槩追徵甚至有以宣德年間拖欠者亦行追究致使小民窮窘逃移失所戶部卽爲申明不許重徵如有糧里實於小民徵過未起運者卽令如數給還違者罪之

一永樂年間因鈔法不通令民照口數納鈔

支與官鹽近年鈔法通行民納鹽鈔如舊  
鹽課司十年五年無鹽支給民人納鈔艱  
難宜減半收鈔以甦民力及宣德年間亦  
因鈔法令收關房及車輛鈔貫今鈔法已  
通悉減半徵收

一各衙門買辦造辦及追徵一應物件應優  
免而未優免深爲民害者一一追究具奏  
定奪

一各處有解納紵絲布絹顏料等項者隨卽



辦驗收納不許刁蹬留難仍查遞年追納物件未完及係急用者一一條奏定奪

一各處管軍頭目廉幹者少貪虐者多以致軍政不修往往軍受其害逃竄數多是致城堡乏人守備其見在管軍頭目務令巡按御史及所在按察司官遴選堪任者用之其餘不堪用者令其就於本衛守城帶操以聽調用勿令管事庶幾軍不逃亡城守有備

一軍職官員洪武年間各衛所皆有定員今爲軍職官多額外添注如沿海沿邊少糧衛分百姓運糧艱難今後多餘軍職止許於有糧去處添注庶幾供給利便無糧去處不許添注

一在外衛所操練軍士頭目多不用心竝無實效都察院其行各處巡按御史按察司官嚴加操練要征調得用若仍前怠慢無實効者并風憲官一體論罪各處城池頽

塌者亦督令於農閒時月軍民相兼修築  
不許違誤

一管軍頭目及在外各衛指揮千百戶多不  
用心撫恤軍士或尅減月糧或占私役或  
縱容在外辦納月錢或橫加虐害騙要財  
物以致軍士逃竄隊伍空缺甚非朝廷撫  
養軍士之意今後再不悛改聽監察御史  
給事中體訪的實具奏拏問

一三法司錦衣衛見監重囚中間或有鍛鍊

成獄或以文案爲據而其情有可矜法有可疑者具奏定奪今後問囚犯人及在外問成解來犯人伸訴冤枉或調送別衙門或多官會審須要從公推問實情不許徇私拷打逼勒招認符合前問官吏自己推托利害以致冤枉人違者必罪不赦

一今後一切祥瑞有應稱賀者止行在京衙門不必行移各王府在外文武官及土官衙門卽今見有來進禎祥表文者禮部卽

行文沿途止之庶免勞人

一做工人匠務要撫恤得人派役公當勿令失所

一各衙門一應公文當依程限完結凡解軍解囚一應差使人員到來所司卽爲查理明白發遣回還不許遷延刁蹬今後敢有仍前作弊刁蹬留難者御史給事中體訪具奏其司務并首領官吏竝治以罪不恕

一五軍都督府堂上官多不用心整理軍政

亦不行用心打點文書一應行移縱容首  
領官吏通同作弊遇有襲職替職及公幹  
等項人員到來刁蹬留難百般需索以致  
人難自今不改前非聽監察御史巡察具  
奏拏問

一都察院爲朝廷耳目風紀之司必能考百  
僚扶植善良糾正奸邪伸理冤枉然後爲  
稱若不能持正秉公而任情恣意阿附以  
致賢否混淆貪廉不辯冤枉不伸者

祖宗之法具在朕不爾私

一朝廷置給事中出納命令封駁章奏舉正  
欺弊職任最清要自今宜體朝廷選用之  
心必公必正必廉必勤知無不言言則必  
當務存大體以扶善抑惡使百官有司知  
所敬畏然後必能盡職而依阿從事苟且  
度日廢棄職掌或徇私交通肆爲欺弊負  
國家之任使者事發必罪不宥

一在京在外官員皆受國家職任凡公正廉

勤者陞遷貪虐怠慢者黜罷朝廷自有公  
論自今各宜勉力以仁義存心以公勤從  
事若不能自勉專務背公營私附投托賄  
賂交通朋比爲非者國典具在悔將難追  
一凡軍民一切利病及今可以濟時恤患除  
奸革弊之事許諸人直言無隱

正統四年六月二十二日



奉

天承運

皇帝詔曰朕以眇躬嗣承大統仰惟

天眷之隆

祖宗創守之艱夙夜祇慎用圖政理以寧萬邦一切  
不急之務悉已停罷尚冀羣生樂業上協

天心切慮民情幽隱庶職未盡得人承流宣化有所  
不至深歉于懷茲當春和萬物發舒吾民或有  
不得其所者悉從寬恤以遂其生爾外臣僚體

朕心盡乃職務求實効勿事虛文所有合行事  
宜條示于後

一自正統四年三月初一日昧爽以前官吏  
軍民人等有犯除謀反大逆謀殺祖父母  
父母妻妾殺夫奴婢殺主謀故殺人蠱毒  
魘魅毒藥殺人強盜不赦外其餘已發覺  
未發覺已結正未結正罪無大小成赦除  
之敢有以赦前事相告言者以其罪罪之  
一自宣德十年正月初十日以後武職有犯

發遣各處做爲事官立功者復其原職就  
彼定衛操備充軍者令做爲事官就彼立  
功

一文武官吏軍民匠作人等有爲事見做工  
運磚運米納米等項遇赦者武官復其本  
職文職官吏無賊者復其職役有賊者放  
回原籍爲民軍還原伍匠仍當匠民放寧  
家

一正統二年十二月終以前遞年拖欠稅糧

皇明詔赦

草束戶口鹽糧鹽鈔及虧欠農桑諸色課  
程倉糧鹽課屯種子粒之類悉皆蠲免

一倒死馬駝驢騾牛羊及虧欠馬駒孳牲等  
畜悉皆蠲免

一遞年拖欠蘆柴各處納欠銅鐵顏料竹木  
柴炭等物并追一應物料及未納一應賦  
罰悉皆蠲免

一各處魚課及商稅經今年久其中湖池或  
有湮塞坍塌無所採捕市井或因人逃移

商販者少以致課程虧欠負累人民包納  
所在有司按察司及巡按御史卽與踏勘  
從實徵收其包納之數悉與開豁

一各處造作除軍需外其餘不急之務悉皆  
停罷今後非奉朝廷明文敢有擅役軍民  
及擅自科歛者罪之

一各處有被水旱災傷缺食貧民有司卽爲  
取勘賑濟勿令失所

一民間應有事故人戶拋荒田土無人佃種

有司卽爲取勘除豁另行召人承佃中間  
有係官田地例起科若不係官民地許令  
諸人耕種三年後聽其報官起科所種桑  
棗有司時加提督務求成效不在起科之  
數

一南京及在外文武官吏俸糧軍士月糧近  
爲糧儲不敷減分支給以鈔折充該部卽  
宜查勘有糧去處量加以米俾官吏足以  
養廉軍人足食

一軍官襲替職事已有定例其中有人爭襲  
訐告煩擾官府展轉行勘應襲者不得襲  
不應襲者霸留聽候動以歲年該部卽與  
類行清軍御史巡按御史親臨體審從實  
具奏定奪庶免人難

一各衛所逃故軍人勾丁補役其中果有全  
家死亡並無幼丁可紀錄者有司里老保  
勘是實清軍御史卽與開豁類行兵部銷  
除免致勾擾

一各處挨捉逃軍其中有因差使及被頭目  
私役出外病故或被水淹及虎狼傷害或  
被賊人殺獲其該管不從實報皆作在逃  
挨拿正身清軍御史卽與分豁其勾丁補  
役亦有同名姓及本戶原不是軍或被里  
老人等挾讐妄報或被官司朦朧冒解無  
由自明者情實可矜清軍御史卽與審勘  
開除已解到衛者兵部亦爲行勘分豁不  
許冤抑平民



一各處逃移人戶悉宥其罪許於所在官司  
附籍納糧當差其有愿回原籍復業者免  
其糧差二年戶下遞年拖欠稅糧等項悉  
皆蠲免

一逃軍逃囚逃匠人等詔書到日爲始限三  
個月以裏赴官自首與免本罪軍還原伍  
民還籍匠復本業

一遞年失班人等與免本罪仍令依舊輪班  
免其罰工如仍前不赴工者治之以罪

一各處軍民匠役人等有因饑窘及被官司逼迫不得已逃避山林或因而糾合爲非者詔書到日悉宥其罪令各復業着役免其糧差二年所在官司善加優恤不許生事擾害違者罪之

一法司所問罪囚今後務要議擬得當不許徇私寬人例該做工運米運磚等項贖罪者完日卽時發遣武官復職文官犯賊悉皆罷爲民無賊者亦復本職不許深刻妄

加其罪

一在京在外見監獄囚赦所不原者中間或情法可疑所司不能決斷者詔書到日開具可疑實情明白具奏以憑決遣不許推托利害淹禁無辜違者罪之

一諸司官吏務在得人官有監察御史等官考察黜陟吏典宜從本衙門堂上官考察公勤諳曉行移者用之其貪暴無能及猥瑣不堪者悉罷爲民其見在吏部聽撥及

見發各衙門辦事者亦宜精選存留但是才質不堪者悉放爲民

一軍民中果有才德兼備堪任用者或屈在行伍或隱逸山林所司以禮薦舉赴京試驗量才擢用不許徇私濫舉

一忠臣義士歿於王事及義夫節婦孝子順孫但有實跡者有司卽爲具奏旌表以勵風俗

一軍民中有鰥寡孤獨者所司依例存恤其

年七十以上及篤廢殘疾者許令一丁侍  
養不能自存者官爲賑給

一詔書內該載不盡者凡利所當興害所當  
革官無實用民被役占所在有司從實具  
奏以舒民力

嗚呼天地以生物爲心國家以養民爲政尚圖  
成績用底雍熙詔告臣民咸宜知悉

正統四年三月初一日

奉

天承運

皇帝詔曰朕以菲德祇膺

天命嗣

祖宗大統主宰天下夙夜思念開創惟艱繼承匪易  
誠以疆宇之廣億兆之衆一人失所過實自予  
肆臨御以來志存安利寢食弗安比者敬循

祖宗之舊建奉天華蓋謹身三殿乾清坤寧二宮禮  
典宜備尚慮煩民廼材因素有費悉公出人悅

趨事聿告成功已於今年十一月初一日御正  
朝臨羣臣聽言居正而安宜有及民之澤其諸  
事宜條示于后

一自正統六年十一月初一日昧爽以前官  
吏軍民人等其犯十惡人命強盜強姦白  
晝搶奪傷人不赦外其餘已發覺未發覺  
已結正未結正罪無大小咸赦除之敢有  
以赦前事相告言者以其罪罪之其已宥  
死充軍者不在此例

一軍官并旗軍將軍力士校尉舍人餘丁爲事犯罪發各處立功及嘹哨等項者盡行宥免復其職役官就注於見在立功衛所已發充軍者不在此例



一文武官員并總小旗有爲事任支俸糧及支半俸者詔書至日悉依舊關支

一在外文武官吏軍士俸糧先因倉廩不足米鈔兼支者該部悉便查勘有糧之處量加以米無米者依例加鈔

一自正統六年十月以前軍民一應倒死虧欠及被盜走失孳牧寄養長生騎操等項馬駝騾驢種馬馬駒牛羊猪牛犢等畜悉皆蠲免

一正統六年十二月以前凡拖欠夏稅秋糧  
盡行蠲免正統五年十二月以前拖欠馬  
草及農桑絹米絲苧鹽課諸色課程地畝  
米鈔戶口鹽糧鹽鈔并因上司追徵急迫  
不得已虛報已納之數在官者盡行蠲免  
仍免正統七年鹽糧一年正統七年八年  
鹽鈔二年其拖欠數內若小民已納與糧  
里人等者悉令糧里人等於所在官司倉  
庫交納不許侵欺作弊

一各處軍旗餘丁邊衛屯糧及各衛屯種餘糧拖欠未納者自正統五年十二月以前盡行蠲免

一永樂宣德年間至正統五年以前有因災荒饑窘借用預備倉糧其家貧難不能償納者悉皆蠲免

一北京該用柴炭及南京所收蘆柴自正統六年十月以前軍民拖欠未完者悉皆蠲免南京戶部仍查見收蘆柴實數如勾二

年之用者正統七年停徵一年

一各處拖欠歲造紵絲羅紬綾絹自正統元年十二月以前者悉行蠲免未納魚油翎鰲及歲辦年例皮翎羊毛并未完歲辦諸色顏料等物自正統五年十二月以前者悉行蠲免該納各項賦罰并追陪虧折顏料段疋一應物件自正統六年十月以前者悉行蠲免其係盜官錢糧追納未完者亦皆蠲免宥其死罪官吏人民俱發口外

充軍軍旗調邊遠嘹哨

一各處拖欠香料曆日紙并雲南所轄拖欠  
歲辦差發金銀米鈔海肥馬牛紬布俱自  
正統五年十二月以前盡行蠲免其各處  
拖欠藥材及供用厨料諸物自正統十四  
年十二月以前者盡行蠲免

一各處派買採辦等項物件除軍需及饋運  
北京糧船該用竹木等項外其餘一應不  
急之物悉皆停罷

一鰥寡孤獨及篤廢殘疾之人有司依例存恤民年七十以上者照例優免一丁侍養八十以上者有司以時存問歲依例給絹二疋綿二斤酒一斗肉十斤於官錢內支買務行實惠毋事虛文其在京各色人匠陰陽醫士厨役等項年七十以上并殘疾者悉皆放免應僉補者照舊僉補內外各衛所軍人年六十以上果有疾患不能應役者聽其依親仍行原籍勾丁補伍爲事

發邊遠終身充軍及充膳夫驛夫遞運所  
夫年七十及六十以上有疾者悉放回爲  
民

一今年被災去處所在巡撫官巡按御史并  
都司布政司按察司各委的當官同各衛  
所府州縣官踏勘是實其該徵稅糧馬草  
子粒卽與停徵備開戶部除豁不許刁蹬  
留難亦不許扶同作弊

一各處逃民詔書至日許令所在官司首告

與免本罪發回原籍有司加意優恤原戶  
下拖欠稅糧等項悉皆蠲免仍免雜泛差  
役三年其私借債負亦待復業三年後酬  
還原本不許加利違者罪之若逃民離鄉  
年久產業已成不願回還者許就所在官  
司報籍三年後一體應當差役敢有不復  
業又不報籍者所在官司於該管軍民之  
家挨究明白但有縱容窩藏者一體罪之  
一各處逃軍逃囚逃匠自詔書到日爲始限



兩月之內赴所在官司首告悉宥其罪各發着役寧家其有情犯深重赦所不原者亦許首實所司爲之具奏量情寬貸

一在內六部都察院等衙門在外布政司按察司等衙門并各府官其屬官有廉能稱職者宜優待之不許輕易凌辱若貪酷不才庸懦無能老病不堪任事者并從各堂上官及各府正官具實奏送赴京交部驗實如例致仕罷黜

一中外風憲係綱紀之司尤須慎選識量端  
弘才行老成者任用其有不諳文移不識  
大體用心刻酷者並從都察院堂上官考  
察降黜

一各都司衛所職掌軍政務在撫養士卒以  
時練習用振威武所任匪輕其都指揮指  
揮千百戶鎮撫等官從兵部慎舉老成歷  
練愛恤軍士者用之仍令巡按御史及按  
察司體察稱職者存留管事果有貪酷不

恤軍士墮廢軍政者具實奏聞降黜

一朝廷求賢期得真才近者往往有徇私濫舉權勢子弟并親識故舊之人及至考察才行文學皆無可取已屢併罪舉者今後民間果有真才實行堪稱任使及才行卓越淹屈下僚者許布政司按察司及府州縣正官具實奏舉以憑試用敢有仍前濫舉者罪之

一凡軍衛中有明於武略智謀優長勇力超

越才堪馭衆者都司并各衛所正官及巡撫官風憲官其實奏聞以憑試用

一今後吏部除撥官吏務須查考籍貫量地遠近銓注無令失所官吏有犯私罪當流以上罰工該復職者並調邊遠

一今後凡軍民一應利弊事關機務詔書該載未盡者許諸人陳言不許托以建言希求進用報復私怨又泛言無益之事紊亂

舊章

一農桑生民衣食之原近年有司勸課不至耕種者少游惰者多歲或不登窘急無措今後布政司按察司官巡按御史嚴督府州縣官及時勸勵耕種務臻實效但有拋荒及空閒田土卽分撥逃移復業并少田人戶耕種凡民單丁者毋得擅役但耕種時月官司不許一應修造妨廢農業

一學校教化之本今後教官生員並須敦本務實勉修職業毋負朝廷教養其教官或

學行無聞曠職廢事及生員年已長成德行不修學業無成者提督風憲官卽如例降黜上司應提調官凡遇下學升堂叙坐命生員講誦律誥及古今經書悉遵洪武永樂年間禮義以勉勵諸生

一農作以水利爲要各處隄防閘埧或年久坍塌不能蓄泄陂塘淤塞及舊爲豪強占據小民不得灌溉已令修復或有未修復者該管官司仍卽依舊整理應修築者悉

令修築不許怠惰或有倚恃豪強占據水利者以土豪論罪布政司按察司巡按御史巡歷提督務見實効若苟且文書虛應故事一體論罪

一預備倉糧務須收頓如法民有饑窘即時驗口賑貸如遇豐年仍依例支給官錢收糴備用收足之際並委所在掌印正官專理不許作弊軍民有願出谷粟者聽所司具實奏聞以憑旌表親臨上司及風憲官

按臨點鬪但有侵欺盜用者卽便拿問以  
土豪論罪

一各處應祀神祇祠廟但有損壞者所司卽  
於農隙之時修理亦不許託此過用民力  
一凡有孝子順孫義夫節婦所司具實奏聞  
以憑旌表

一刑罰者國家不得已而用之輔治數戒中  
外法司務敦欽恤比因亢旱分遣近臣清  
理庶獄有本無罪而坐重罪者有犯徒流



而坐誅死者有負冤一二十年而淹禁不與辯明者已清理疎放十去四五如此持刑不恤民命不畏天譴雖苟免罪責寧不慚心自今中外大小法司宜洗心改過凡一應囚犯悉究實情務在公當有罪者不可縱無罪者不可枉

一兩京辦事吏如有寫字麓拙人物鄙猥及貧乏不能自給者聽吏部考選悉放爲民今後各處吏典須照例聽補兩考起送其

聽補吏典及在閒官吏若在鄉不守本分  
擅入衙門交結害民者事發悉發口外充  
軍

一各處衙門事有繁簡各府州縣土地人民  
錢糧詞訟亦有多寡不同所設官吏或有  
冗員宜從布政司按察司體量具奏裁減  
一官府一應差役近來屢敕減省今各衙門  
所用公使人等及水馬驛站遞運所諸色  
夫役名數繁多其實在當役者十無二三

多是該司管私作弊今後各該上司悉從  
實取勘斟酌應留者留應減者減不許徇  
私多役妨民生理按察司官巡按御史經  
過並須查究違者罪之

一各處魚課等項課程開辦年久或市井消  
耗客商稀少或湖泊淤塞坍塌採捕人戶  
死亡所辦課程不及原額以致累損貧民  
其該管官司及巡按風憲從實體勘具奏  
分豁

一民間詞訟若戶婚田土債負等項係遠年之事應提人對理者果當農種時月明立文案將原告知在候秋成之日提對發落不許一槩勾擾監禁妨民生理

一洪武年間官吏軍民之家衣服居室嫁娶喪葬一應禮儀俱有定制近年富豪之徒爭尚侈靡貧下做做相襲成風甚至蕩廢產業聚眾構禍今後所司嚴加禁約敢有再犯者罪之

一官員軍民之家凡收藏一應讖諱妖書卽便燒燬免致害及身家今後但有奸邪妖妄之徒號稱善友道人假以修行化緣爲名妄談邪說誘惑良善者許諸人綁縛告官解赴京來治以重罪

一近年各處有等無籍之徒或因事爭競輒聚羣衆各持器械忿鬪傷害人命屢犯不悛今後敢有再犯者從里老隣人指實告官爲首者處死爲從者俱發遼東邊衛充

軍

一今後凡遇科徵買辦合用物件該部及布政司各府州縣官務須查考各處田糧丁口多寡實數從公分派不許徇私作弊若係附近地方產有者酌量均派不許遠派及不產之處擾民違者俱從風憲官劾奏論罪

於戲惟君以仁君爲事

天之本惟臣以仁民爲事君之忠臣民欽體於深仁

皇明詔赦三

正統六年

全一

黎庶咸臻於至治敷告中外悉使聞知

正統六年十一月初一日

奉

天承運

皇帝詔曰朕以天敘祇承大統君臨海宇子育兆民  
仰惟隆古帝王政由彝教禮謹大婚茲承

聖祖母太皇太后

聖母皇太后命慎簡賢淑作配朕躬謹昭告

天地

宗廟以正統七年五月十九日冊錢氏爲皇后正位  
中宮共承宗祀協贊化理敷告中外咸使聞知



正統七年五月二十一日

奉

大承運

皇帝詔曰朕以藐孤嗣

祖宗大位仰荷

大行太皇太后聖德啓迪維持用寧家國以暨于天

下於今八年不幸

大行奄棄哀慕無極上薦徽號厥有彝章爰命禮官

稽古典集羣議公論僉允已昭告

天地

三月三十一日 正統七年

皇明高宗

宗廟

社稷恭上

大行太皇太后尊諡曰

誠孝恭肅明德弘仁順天啓聖太皇太后布告中外  
咸使聞知

正統七年十一月初六日

奉

天承運

皇帝詔曰惟我國家

列聖相承皆以敬

天勤民爲治朕祇紹鴻猷仰惟

祖宗付託之重臣民屬望之深夙夜兢惕不遑寧處

今年五月二十四日雷震奉天殿鵠吻

上天垂戒朕甚懼焉省躬思過勉圖自新尚資文武  
羣臣協恭職業以匡朕不逮切惟刑獄之重尤

當欽恤其大赦天下除謀反大逆子孫謀殺祖  
父母父母妻妾殺夫奴婢殺主謀故殺人蠱毒  
魘魅毒藥殺人強盜人命不赦外其餘自正統  
八年五月二十四日昧爽以前已發覺未發覺  
已結正未結正罪無大小咸赦除之敢有以赦  
前事告言者以其罪罪之所有寬恤事宜條示  
于後

一文武官吏監生生員軍民人等有見爲事  
做工運磚運灰等項悉宥其罪官吏軍校

復還職役監生生員仍復肄業匠仍當匠  
民放寧家其文職官吏犯賊罪者仍罷歸  
爲民

一文武官并總小旗有爲事任支俸糧并支  
半俸者俱照舊關支

一正統八年五月初一日以前各處軍民倒  
死虧欠走失孳生騎操等項馬騾牛羊等  
畜并官吏軍民人等該追還官給主賊罰  
銀鈔等物及虧欠等項追賠物件除已追

見在者入官外未追者悉皆蠲免其係盜官錢糧不在此例

一軍官并旗軍將軍力士校尉舍人餘丁爲事發遣各處立功及哨瞭等項者盡行宥免復還職役仍前立功已發充軍者不在此例

一各處軍民人等有先被強盜招指同行及稱係窩主等項畏罪逃躲者詔書到日悉赴所在官司首告與免前罪軍還原伍民

還原籍

一自正統七年十二月以前各處水旱災傷田地已經踏勘明白者其該納稅糧悉免追徵有司不許刁蹬

一浙江福建等處軍民先因窘於衣食被人誘引偷採銀鑛者亦有事發供招在官畏罪逃竄者詔書到日悉宥其罪軍還原伍民復原業所司竝免追究

一內外諸司衙門職掌事務已有成法者宜



遵守行之毋作聰明變亂舊章

於戲惟誠格天惟仁惠民茂昭君臣修省之心  
用廣天地好生之德故茲詔示咸使聞知

正統八年五月二十八日

皇帝敕諭禮部工部

朕惟國之大事莫先於事神肆古昔帝王率用  
茲道我國家自

祖宗以來祇事神祇載在祀典已有定制朕嗣承大  
統惓惓于茲比聞嶽鎮海瀆及天下府州縣社  
稷山川文廟城隍一應祀典神祇壇廟歷年旣  
久多爲風雨損壞有司不能時加修葺風憲官  
巡歷所至漫不加意甚至縱容作賤褻瀆致傷  
和氣爾等卽行兩京南北直隸各府及各布政

司凡嶽鎮海濱所在祠廟屋宇牆垣或有損壞  
及府州縣社稷山川文廟城隍一應祀典神祇  
壇廟頽廢者卽令各該官司修理合用物料酌  
量於所在官司內支給收買或民力可備辦者  
分派所屬殷實人戶修辦於秋成有收時月起  
倩夫匠以次修理但不許指此多派虛費民財  
及修葺淫祠妄用民力違者所司及臨上司官  
皆罪不宥若嶽鎮海濱廟宇焚毀不存用工多  
者布政司官同按察司該府官司斟酌量宜起

工仍先圖畫奏來定奪凡修完應祀壇廟皆選誠實之人看守所司時加提督務在敬慎遇有損壞卽依例修整不許廢壞仍令巡按御史按察司官按臨去處巡視其有應祀壇廟廢壞不修及應修理分外生事害民者卽便拏問若徇私不問一體罪之欽哉故諭

正統九年閏七月初七日

皇帝敕諭五府六部都察院大理寺衙門官

朕嗣承

祖宗大統祇體

天心撫恤黎庶夙夜惓惓罔敢怠忽茲當陽春和暢  
萬物發生之時尚慮軍民尚未盡得所特推寬  
恤之仁用廣好生之德合用事宜條列于後爾  
等職專庶務與國同體凡有可興利除害便益  
軍民者悉具以聞副朕體

天恤人之意故諭

聖明詔敕

正統十一年

八十九

一法司錦衣衛見監重囚但情罪有可矜疑及累訴冤枉不曾辦理者三法司會審情詞其實開奏見問雜犯死罪徒流罪遞減二等杖罪以下悉與寬宥

一官員軍民人等有爲事問發做工運灰運甓等項雜犯死罪徒流罪遞減二等杖罪以下悉與寬宥其有枷號人犯悉皆疎放依例減免

一在京文武官并總小旗有爲事住支月俸

平俸者照例關支

一南北直隸并各布政司去歲被害去處但有見徵拖欠存留稅糧賑濟倉糧屯種子粒及一應該追虧欠物件俱暫停徵候秋成徵納其軍民倒死虧欠被盜走失孳牧寄養長生騎操等項馬騾牛羊等畜俱候秋成買補

一軍民採辦柴炭自正統十年十二月以前拖欠未完者俱各免追

一各處赴京輪班人匠自正統十一年正月以前遞年失班者俱免罰役止當正班

一在京各衙門見追贓罰等項物件未完者具實奏聞

一在京各衙門見役并辦事吏典果有人物猥鄙寫字粗拙及有疾貧難者該衙門堂上官審送吏部驗實放回爲民

一在京人匠醫士厨役等項果有殘疾及年七十以上不堪應役者放免回家應僉補



者所司僉補

一各處逃軍逃囚人等自文書到日爲始限  
三箇月以裏赴所在官司首告悉免其罪  
各還原役

一武職官子弟應襲替優給赴京果保勘明  
白兵部卽與施行毋縱容下人展轉刁蹬  
致令失所在原衛所者本軍該支月糧務  
要按月支與養贍毋令失所敢有故違罪  
之

一各處逃民安插已定者所司務加優恤令其安業不許科擾違者聽巡按御史察實拏問其逃民敢有不務生理展轉逃徙者一體究問禁治爲首者解京處置

一五府六部職專分理庶政各堂上官宜躬勤表率下僚使人知所嚴憚凡合行事務及一應文移須自用心檢點當行者卽毋遲疑不斷及縱容下人徇私作弊致事有稽誤人有失所

一三法司職掌天下刑名伸冤理枉扶正抑邪斯稱厥任凡問囚犯務須詳審推究俾情當其罪或有冤抑卽與勘辯應奏請者具實開奏庶刑罰清簡人心畏服毋徇勢要彼此推避利害有廢公法致人冤咎感傷和氣

一各處巡撫巡按官及三司推選堂上廉能官同巡按御史巡撫所屬提督軍衛有司勸課農桑一應不急事務悉與停止或有

軍民不便之事及可興利革弊便益軍民者聽具實以聞

一內外衛所管軍官員須用心愛恤軍士養其銳氣凡解到新軍尤須嚴督該管官旗加意撫恤務令得所敢有隱占私役包支糧賞生事剝害逼迫致令逃竄者在京聽巡視給事中御史在外從按察司巡按御史時加體察舉奏究問

一方面知府責任爲重必選用得人然後民

受實惠今後保官須訪察素有清譽才行  
堪任者從實舉保庶愜公論敢有徇私受  
賄濫保貪婪不律之徒該部容情奏請除  
授致有不當聽六科給事中監察御史體  
察劾奏

一各處方面及府州縣官一應額色弓兵皂  
隸人等從公點差敢有私於所管官司索  
取及受富豪奸民投托濫用太多致富民  
應當差徭靠累小民逼迫逃竄者聽巡按

皇明詔赦

三  
卷一

三

御史及按察司官嚴加體察從公舉問若知而不舉或因事發覺一體治罪

一府州縣果有貪官污吏及強橫豪民挾制官府欺壓小民爲一郡一邑之害者巡按御史及按察司官詢察即便拏問禁治應奏者具實奏來務使奸頑斂迹良善獲安

正統十一年十二月二十五日

奉

天承運

皇帝詔曰朕以諒德祇承

祖宗鴻業顧惟艱大罔敢怠遑乃正統十四年六月

初八日南京謹身等殿災此誠

上天垂戒國家朕深思咎省躬夙夜警懼允惟敬

天之實必以敷仁爲先其大赦天下咸與惟新所有

寬恤事宜條示于后

一自正統十四年六月二十一日昧爽以前

官吏軍民人等有犯除謀反大逆子孫謀殺祖父母父母妻妾殺夫奴婢殺主謀故殺人蠱毒魘魅毒藥殺人強盜不赦外其餘已發覺未發覺已結正未結正罪無大小咸赦除之敢有以赦前事相告言者以其罪罪之

一文武官吏旗校軍民匠作人等自正統十四年六月二十一日以前有爲事見問及做工運炭等項悉宥其罪官吏復還職役



軍還原伍匠仍當匠民放寧家文職犯枉  
法賊者罷歸爲民見照勘者仍待照勘明  
白發落不許冤抑枉人

一文武官員并總小旗有爲事住支俸糧及  
支半俸者詔書至日俱照舊關支

一正統十四年六月二十一日以前凡軍民  
一應倒死虧欠及被盜走失孳牧寄養長  
生騎操等項馬駝驢騾種馬馬駒牛羊猪  
牛犢等畜悉皆蠲免

一正統十四年正月以前凡拖欠夏秋稅糧  
馬草戶口鹽糧鹽鈔農桑絹米紵絲綿花  
鹽課銀課魚課銅錢倉糧屯種子粒商稅  
諸色課程借用預備倉糧歲造追陪紵絲  
紗羅紬綾絹布魚油翎鰓歲辦皮翎羊毛  
諸色顏料物件一應贓罰追陪等物及香  
料曆日紙藥材椒蠟供用厨料果品諸物  
及一應派買採辦物件盡行蠲免其明年  
各處民間該徵戶口鹽糧以十分爲率俱

免四分以蘇民困

一各處造作除軍需外其餘一應不急之務  
悉皆停罷今後敢有非奉朝廷明文擅役  
一軍一夫及擅自科歛財物俱重罪之

一各處被災缺食人民所司卽酌量發廩賑  
濟毋令失所所種田地巡撫官及巡按御  
史同該管官司卽踏勘明白從實具奏該  
徵糧草屯種子粒戶部卽與除豁不許刁  
蹬

一各處遞年逃軍逃囚逃匠人等及犯強盜人命等項重罪畏避逃遁山澤者詔書至日限兩個月以裏悉赴所在官司首告不分所犯輕重悉赦其罪軍還原伍匠仍當匠民放寧家敢有過期不首再犯者必重罪不宥

一各處先年附籍逃民所司務依恩例存恤優免毋令轉徙失所其有未附籍者果居住已成家業仍照例收籍一體優免願回

原籍者待秋收遣回敢有官吏人等生事  
擾害及頑民不肯附籍復業往來流徙不  
已或因而生事者處以重罪

一在外各司府州縣赦所未原及以後該問  
獄囚果有冤枉者聽原問官司及風憲官  
卽與辯明或情有所矜法有所疑難於理  
斷者從實具奏處置不許深刻枉人

一任官以得人爲本其官吏果年老有疾及  
關茸鄙猥不堪任事者在京聽吏部考察

在外聽巡撫及御史該司等官考察得實  
照例俾致仕及放免毋令虛費廩祿妨賢  
誤事

一在京各衙門所差及在外司府官員催督  
馬政糧草等項巡行所屬者敢有脇勢逼  
取及所司科歛財物答應虐害軍民者許  
被害之人指實首告皆處以重罪

一軍政國家重務各都司衛所管軍頭目多  
有不恤軍士生事剝剝逼抑逃竄及平居

不如法提督操練廢弛兵事今後務要加  
意愛恤養其銳氣及整點器械精習武藝  
敢有仍前害軍廢事遇急有妨調遣者俱  
處以重罪

一民國家之本各司府州縣官不思養民之  
政往往通同猾吏豪民侵欺尅害致其無  
所控訴甚至逃竄失業今後並須善加撫  
恤無纖毫侵害違者聽風憲官訪察問罪  
一軍中果有智謀驍勇之士聽該管就彼拔

用有功照例陞擢或有智勇超卓可以馭衆者聽所司指實來奏試驗擢用民間果有懷才抱德堪任用者有司以禮舉薦赴京照例考用

一有司官果廉能幹濟超出羣類善撫人民政有顯蹟者聽巡撫官及巡按御史該管上司指實具奏以憑拔擢不分三年六年先給與該得誥敕旌異其有才能出衆屈在下僚者聽風憲及上司從公薦舉量才



陞擢

一在京五府六部都察院等衙門在外各都司布政司按察司等衙門皆朝廷簡任職掌重務其間或有推托利害依阿因循甚至徇私廢公妨職怠事有負委托今後敢有因襲舊弊不正身表率下僚當言者不言當行者不行有妨正務者罪之

一風憲所以振肅百僚比聞御史往各處巡按或有不能扶正抑邪除惡安民以致風

山陰言辨 一  
紀不振下僚恣肆侵漁軍民多致失所今  
後御史但有不能激揚所司聽都御史糾  
劾拿問若都御史知而不舉致風度不肅  
併治以罪

一在京各衙門辦事吏典多有人物鄙猥寫  
字粗拙及衣食不給有病疾願告退者吏  
部堂上審實疎放爲民

一各處凡有軍民利病及邊務事宜政務缺  
失許諸人直言無隱

一諸司吏卒弓兵皂隸牢子多有積年民害  
久戀衙門父子兄弟更相出入專一起滅  
詞訟把持官府說事過錢虐害良善及豪  
強頑民挾制有司殘害小民聽按察司及  
巡按監察御史察實拿問治以重罪

一福建浙江等處起集民夫協取官軍捕賊  
多効勞力者悉免本戶雜泛差役二年

一福建浙江先因賊首作耗逼脇人民相從  
爲盜已命大軍征勦悉獲其賊首解京處

治外其脇從爲盜人等畏避罪犯逃避山林或奔遁海澳遞年結聚因衣食不給出沒爲盜勢不能散者不分首從輕重悉赦其罪詔書到日各回原籍復業所司照例加意優恤仍免科差三年十遞年但係拖欠公私債負並令蠲免不許官吏軍民人等挾讐生事擾害違者罪之其脇從之人敢有詔赦之後仍前結聚爲盜不回復業者仍聽大軍搜勦不宥

一廣東潮廣等處苗賊雖居邊境之外好生惡死人情所同先因首惡之人倡率出沒擾害邊方及福建賊徒近被大軍征勦逃遁廣東海道者但慮大兵所至未免傷及無辜詔書到日果能變惡爲善及回原寨安居住衆者悉赦前罪並免大軍勦殺仍令所司照例優恤免其糧差等項如或冥頑不改聽大軍殄滅不宥

一福建浙江被賊劫掠去處人民令鎮守巡

按該司等官設法賑貸撫恤並免今年糧  
差銀課等項其差去煎辦官員姑令於彼  
守護坑鑛撫綏人民待民安歲收之後煎  
辦不許妄生事端擾害官民致人困弊失  
所

一福建等處見被提問激變失機等官雖經  
赦宥亦聽法司究問明白具奏區處

一朝廷以安養軍民爲本各處果有軍民艱  
苦及利所當興弊所當革可以利國利人

之事詔書該載未盡者並聽鎮守巡撫巡按三司及該管官司具實開奏以憑區處量爲寬恤務俾軍民各得其所

於戲惟辟奉

天誕布生成之德惟民歸極溥承曠蕩之恩詔告臣民咸使知悉

正統十四年六月二十一日

皇太后詔天下邇因虜寇犯邊毒害生靈

皇帝恐禍連

宗社不得已躬率六師往正其罪以安國家不意被  
留賊庭尚念臣民不可以無王茲於皇庶子三  
人之中選其賢而長者曰見深立爲皇太子正  
位東宮仍命郕王爲輔代總國政撫安天下於  
戲國必有君而社稷爲之安君必有儲而臣民  
有所仰布告天下咸使聞知



正統十四年八月二十二日